



Kavamatkunnin Aanniaqtailirnun Tuhagakhaq

Tingmiani Qalangniq ilitturijaujuq nattirni haniani Qausuittumi

Tisaiba 13, 2024

Qausuittuq, Nunavut

100 sec

Avatiliqinikkut Havagvia Aanniaqtailinirmullu Havagvia, ilitturijaujuq aannialaqidjutinik tingmiani qalangnirmik malruungnik nattirni pihimajunik haniani Qausuittumi Aktuubami. Una maliutijuq ilitturidjutingnin tingmiani qalangnirmik tariumiutaujunik tingmianik Aktuubami. Talvanga, piqangittuq ilitturijauhijaujuq unniudjutinik pidjutinik hiamitirutinik aallanun huradjanun inungnulluunniit.

Tingmiani qalangniq qalakkut aannialaqidjutit hiamitihainnaqtaaqtuq tingmiani takujauvaktuqlu katitijauhijaujuq niqikhaujuni tingmiani ukunanilu nunamiutaujuni tingmiani ilaujun niqainnarnik nirijuktuni tingmiani, naujani, ihungaani, hinaaniijuktuni-qupanuani, tingmiani, uluagulliinni, qugjuinnilu. Qangannuaq tatqiqhiutini, aannialaqidjutit ilitturijauhijaujuq huradjanun nunarjuami, ilaujullu huradjat Ukiuqtaqtumiittut. Tautungnaqtun huradjat piqangittuq unniudjutinik tingmianin qalangnirmik ilaqaqtun:

- Hajungniq.
- Hajungniq ulrualhiniqluunniit.
- Puvinniq niaqauni, qunguhinirmi iingnilu.
- Itiktarniq tuquhainnarniqluunniit.

Amigaittun tuquhimajun tingmiat huradjalluunnit atahirmi inimi naunaitqutauniargungnaqhiujuq aannialaqidjutit tahamaniittuq. Piqangittuq tadja naunaitkutinik huradjanin-huradjanun hiamitirutit aannialaqidjutimik, taimaatun aannialaqidjutit huradjanun tamatkinnuaqhutik pilluarutiqaarmata aktuutikkut ukunani aanniaqtun tingmiani.

Qajangnarniq tingmiani qalaktuni aannialaqidjutinun inungnun ihmagijaujuq mikijuq. Piqangittuq naunaitkutinik ihmaginirnik tingmiani qalangniq hiamittaaqtuq inungnun nirinikkut uuhimaqpiqtun huradjanun, tingmiani, manningniluunniit. Taimaittuni, inungni

